

Ardanaz: «Antimilitarismoaz hitz egin behar dugu, ez profesionaltasunaz»

Intsumiso nafarra kartzela zigorra betetzen ari da Madrilen

Alberto Barandiaran / Iruñea

Soldadutza amaitu da, baina ez armada, eta, beraz, borrokan jarraitu behar da hura desagertzea lortzeko. Ignacio Ardanaz

naz kuarteleko intsumiso nafarrak zazpi hilabete egin ditu Alcala de Henaresko presondegi militarrean, baina ustea sendotu baino ez dio egin zigorrak: «Bada lana egiteko».

«BADU zentzua; profesionaltasunaz hitz egiten digutenean, orain borrokan jarraitu behar dugu». Ignacio Ardanaz, *Tasio*, kuarteletako lehen euskal intsumisoa, Iruñean egon da aste honetan, bi urte eta lau hilabeteko kartzela zigorra betetzeko Alcala de Henaresko presondegi militarrean sartu zenetik lehen baimena gozatuta. Legionario, militar profesional, guardia zibilekin izaniko harremanaren ondotik ez zaio leundu armaden aurkako grina, eta are sendagoa du egun. «Garbi esan behar dugu soldadutza desagertzea ez dela garrantzitsua: armadak desagertarazi behar ditugu».

Lau intsumiso preso

Ardanaz beste hiru intsumisorekin dago egun Madril inguruko presondegian, eta sei ere egon izan dira zenbait hilabetez. Hogeita hamar preso inguru izaten ohi dituen kartzela baterako kopuru handia, inondik ere. Horri esker, kolektibo gisara zenbait abantaila lortu dituzte intsumisoek, gainontzeko presoengana ere iritsi direnak. «Egun, zuzendaritzak taldetzat hartzen gaitu jada, badakielako ezin gaituela sartu zaku berean, eta lortu dugu elkarrekiko begirunea».

Harremanak, azkenean, on samarrak izan direla azpimarratu zuen atzo Ardanazek Iruñean, eta soldadu presoekin NATOren partehartzeaz,



JOXE LACALLE

Ignacio Ardanaz, *Tasio*, atzo Iruñean.

militarismoaz eta beste gaiez mintzatu dira pittin bat intsumisoak. Ideiak trukatzeo sikiera. «Haietako askok intsumisoa ikusten zuten lehen aldia zuten, eta guri berdin gertatzen zitzaigun, legionarioak existitzen zirela ozta-ozta genekien eta».

Ardanaz izan zen lehena, baina laster epaiketa gehiago izango dira euskal intsumisoen aurka, eta Urko Rodri-

guez iruinsemearen aurkako, esate baterako, atzeratu egin da, data arazoak zirela-eta. Rodriguezek atzo bertan aipatu zuen militarrek «birziklatu» beharra, eta aurrekontu militarretan dirutza handia gastatzen dela salatu zuen. «Ez da dirua gastatu behar hiltzen erakusten, baina bizitzen erakusten». Rodriguezentzat ere bi urte eta lau hilabeteko zigorra eskatuko dute.



JOXE LACALLE

Juan Mari Beloki EHko irakaskuntza arduraduna, atzoko agerraldian.

Nafarroako EHk ikastolak legeztatzeo eskatuko du

■ Hainbat proposamen egiten ditu txosten batean

A.B. / Iruñea

IKASTOLAK legeztatzea, D ereduko lerroak zabaltzeko hirietan 20 haur eta herrietan 13 exijitzen duen foru agindua baliogabetzea eta euskarazko irakaskuntza Nafarroako herri eta auzo guztietara zabaltzea dira Euskal Herriarrok Parlamentura eraman nahi duen *Irakaskuntza demokratizatzeko guttieneo neurriak* izeneko txostenaren puntuetako hiru. Haien bidez, talde horrek irakaskuntzaren munduan aurkituriko oztopo nagusiei aurre egiteko konpromisoa agertu nahi du.

Talde abertzalearen usteetan, euskara da herrialdeko kulturaren altxor nagusia, eta, horregatik, normalizazioa zaindu behar da. Beraz, atzo Juan Mari Beloki taldeko irakaskuntza arduradunak azaldu zuenez, euskararen ofizialtasuna herrialde osora zabaldu beharra dago, «eta hizkuntz politikaren helburu nagusia belaunaldi berriak euskalduntzea izan beharko luke».

Irakaskuntzaren egoeraz behin baino gehiagotan agertutako diagnosia erabili du EHk proposamenen zerrenda zehazteko. Aurkene Ortiz taldeko parlamentarioak esan zuenez, edozein hezkuntza proiektuk kontuan hartu behar du derrigorrean kultura, «eta hemen eragileak oso bizkorrak dira, baina oztopoak oso gogorrak».

Hamaika proposamen

Proposamenak irakaskuntzaren arlo guztiei dagozkie, irakasuntza publikoari zein pribatuari. Nafarroako Parlamentuan eztabaidatzeko aurkezturiko zerrendan, proposamenoz gain, aipatzen dira ikastetxe pribatuek euskarazko irakasuntzan beren inplikazioa handitu dezaten diputazioak hartu beharreko neurriak, eta haur eskoletan euskarazko eskaintza erdarazkoaren pare jartzea, lanbide heziketan euskarazko eskaerari erantzutea eta Nafarroako Eskola Kontseiluan ordezkartza zabal eta esanguratsua segurtatzea.

BETI MILITARISMOAREN
AURKA



Intsumiso Eguna 99
KAKITZAT

INTSUMISIO EGUNA 99 ABADIÑON ESKERRIK ASKO!!!

Abadiñoko Udala, Abadiñoko Gazte Asanblada, Zelaietako auzokideak, udal langileak eta Kako - Elorrioko "Txispas" taldea, Gazte Asanblada, Intsumiso Taldea (Iñigo Askatu!!!) - Durangaldeko Gaztetxetako jendea - Kakitzateko kideak eta lagunak - Ixiar Oreja, Jon Sarasua, ekitaldiko partaideak eta Ermuako Antzerkia - Rock eta Folk taldeak - Mamikiz Konpartsa, Mairuek Erraldoiak, Zugarramurdi Musikariak, Gaitzerdi, Punk Leherketa- Haurren Guneko Elkartasuna eta Antxitxiketan taldeak, Urkia taldea - Kontrainformazioko Taldeak- Durangoko AEK eta AHTren Aurkako Asanblada - Elorrio eta Atxondoko udalak - Antolaketa eta Animazioan lagundu diguzuenoi eta Abadiñora hurbildutako guztioi

Hurratsez hurrats Euskal Herriaren desmilitarizazioruntz